

**Stofnanasamningur
Heilsugæslu höfuðborgarsvæðisins annars vegar
og
Sálfræðingafélag Íslands**

1. Gildissvið

Samningur þessi nær til sálfræðinga hjá Heilsugæslu höfuðborgarsvæðisins, sem starfa og njóta ráðningarkjara samkvæmt kjarasamningi Sálfræðingafélags Íslands og fjármála- og efnahagsráðherra f.h. ríkissjóðs.

2. Meginmarkmið

Aðilar eru sammála um eftirfarandi markmið:

- Að launakerfið verði sveigjanlegt og ákvarðanir um launaröðun séu teknar með málefnalegum hætti og stuðli að jöfnun launa fyrir sambærileg störf án tillits til kynferðis.
- Að launakerfið nýtist sem stjórntæki til að ná fram markmiðum Heilsugæslunnar.
- Að launakerfið stuðli að uppbyggingu og viðhaldi á góðri þekkingu innan Heilsugæslu höfuðborgarsvæðisins.

3. Starfaflokkar og röðun

3.1 Forsendur starfaflokka (hópa) byggja m.a. á skipuriti, starfslysingu og umfangi. Miða skal við að um sé að ræða viðvarandi/stöðugt verksvið. Röðun í starfaflokka skal byggð á hlutlægum mælikvörðum eftir því sem unnt er.

Hópur Gr.fl. Skýringar.

I	8	Sálfræðingur 1: Sálfræðingur á fyrsta starfsári. Vinnur almenn sálfræðistörf, sálfrædimat og ráðgjöf undir leiðsögn reyndari sálfræðings.
II	10	Sálfræðingur 2: Sálfræðingur eftir a.m.k. eitt ár í starfi á stofnuninni eða í faggreininni. Vinnur sjálfstætt við sálfræðiathuganir, mat og ráðgjöf samkvæmt skipulagi starfsstöðvar og ber ábyrgð á faglegum gæðum starfa sinna.
	11	Sálfræðingur 3: Sinnir sama starfi og sálfræðingur 2. Hefur a.m.k. fjögurra ára starfsreynslu í faggreininni eða hefur verið falin umsjón með afmörkuðum verkþáttum af yfirmanni.

*J.D.
A.M.F.*

III 13 Sálfræðingur 4: Sálfræðingur sem hefur verið falin yfirumsjón með umfangsmiklum verkefnum eða starfar einn á starfsstöð, án faglegs yfirmanns, með ábyrgð á skipulagi og þróun sálfræðipjónustu. Hann getur haft handleiðslu annarra meðferðaraðila með höndum. Hann hefur stefnumótandi áhrif á starf og stjórnun starfsstöðvar.

IV 16 Forstöðumaður: Sálfræðingur sem stjórnar starfsstöð. Hann hefur handleiðslu annarra meðferðaraðila með höndum.

4. Mat á einstökum þáttum

4.1. Viðbótarmenntun er metin á láréttum ás fyrir starfaflokka. Um er að ræða mat á formlegu framhaldsnámi til viðbótar við Cand.psych. eða MSc.-gráðu sem leiðir til starfsleyfis sem sálfræðingur. Menntun þarf að nýtast í starfi og því miðað við að hún sé á fagsviði viðkomandi. Samkvæmt þessu ákvæði getur sálfræðingur hækkað um allt að 6 þrep.

- Sálfræðingur sem lokið hefur formlegu viðbótarnámi sem nýtist í starfi, að lágmarki 60 ECTS einingar fær tvö þrep í álag.
- Sálfræðingur sem lokið hefur meistaragráðu til viðbótar við starfsréttindi sem sálfræðingur sem nýtist í starfi 90 -120 ECTS einingar, fær 4 álagsþrep. Launahækkun vegna viðbótarmenntunar (diplómanám) kemur ekki til viðbótar við launahækkun vegna meistaraprófs.
- Sálfræðingur sem lokið hefur doktorsprófi (180 ECTS einingar) sem nýtist í starfi fær 6 þrep í álag.

Styttra formlegt nám skal metið með sambærilegum hætti.

4.2. Sérfræðiviðurkenning og áfangar að henni

	Hópur:	I-II	III	IV
1. áfangi		1 þrep	1 þrep	0
2. áfangi		1 þrep	1 þrep	0
3. áfangi		1 þrep	1 þrep	0
Sérfræðiviðurkenning		1 þrep	1 þrep	1 þrep

Ofangreindir áfangar eru skilgreindir eftirfarandi:

1. áfangi 100 fræðslustundir, 20 handleiðslutímar
2. áfangi 200 fræðslustundir, 40 handleiðslutímar
3. áfangi 300 fræðslustundir, 60 handleiðslutímar

Sérfræðiviðurkenning frá Landlæknisembætti.

4.3. Starfsreynsla.

- Starfsmaður sem starfað hefur hjá Heilsugæslu höfuðborgarsvæðisins í samtals 3 ár hækki um 1 þrep.
- Starfsmaður sem starfað hefur hjá Heilsugæslu höfuðborgarsvæðisins í samtals 7 ár hækki um 1 þrep.

Heimilt er að meta starfsreynslu á fagsviði vegna starfa utan heilsugæslu.

4.4. Hækkun umfram 8 þrep á láréttum ási

Starfsmaður, sem hefur áunnið sér hækkun vegna þátta í liðum 4.1., 4.2. og 4.3, umfram 8 álagsþrep, færst í næstu launatölu næsta launaflokks fyrir ofan.

5. Tímabundin hækkun og hæfnislaun

Heimilt er að hækka starfsmann í starfaflokkum II og III um allt að tvö álagsþrep ef hann/starfið uppfyllir forsendur sem vinnuhópur á vegum samstarfsnefndar HH og SÍ koma sér saman um, enda hafi ekki verið tekið tillit til þeirra við grunnröðun. Sjá nánar bókun nr. 1.í stofnanasamningi HH og SÍ frá 7. júní 2013 og útfærslu greinar dags. 18.09.2013.

6. Réttur til handleiðslu

Sálfraðingur 3 og 4 sem starfa hjá Heilsugæslu höfuðborgarsvæðisins skulu njóta allt að fimm handleiðslutíma á ári utan stofnunar og á kostnað hennar.

7. Grundvöllur og gildistími

Samningur þessi er gerður á grundvelli kjarasamnings Sálfraðingafélags Íslands og fjármála- og efnahagsráðherra f.h. ríkissjóðs, sbr. gr. 11.1.1 og gr. 11.1.3 í þeim samningi. Samningur þessi gildir frá 1. janúar 2018.

Reykjavík, 07. mars 2018

F.h. Heilsugæslu höfuðborgarsvæðisins

F.h. Sálfraðingafélags Íslands

Fylgiskjal
með stofnanasamningi Heilsugæslu höfuðborgarsvæðisins annars vegar og
Sálfræðingafélags Íslands hins vegar dags. 07. júní 2013.

Grein 1.

Vilji og stefna Heilsugæslunnar er að sálfræðingar geti aflað sér þekkingar, í samráði við forstöðumann, sem nýtist í starfi á stofnuninni og mun stofnunin greiða þann kostnað sem af hlýst. Stefnt verði að því að stofnunin komi sér upp sjóði til endurmenntunar sem starfsmenn geti sótt um styrk til.

Grein 2

Vísindarannsóknir, birting fræðigreina í ritrýndum tímaritum og kynning fræðilegs efnis á ráðstefnum skal metin til launa. Það er sameiginlegur skilningur aðila að mikilvægt sé að yta undir rannsóknarstörf, birtingu fræðilegra greina, fræðslu og að fylgst sé með nýjungum í meðferð.

Taki sálfræðingur að sér umfangsmikið verkefni, í samráði við yfirmann, á hann rétt á aukaþóknun. Verkefnið skal vera á verksviði Heilsugæslunnar og samræmast markmiðum hennar. Við ákvörðun aukaþóknunar skal hafa hliðsjón af eftirfarandi verkefnaflokkum. Full aukaþóknun skal miðast við launaflokk nr. 041 í gr. 1.1.1 í kjarasamningi Sálfræðingafélags Íslands og fjármálaráðherra f.h. ríkissjóðs.

Ritverk:

Erlend fagrit (ritrýnd)	50-75%
(75% fyrsti eða annar höfundur, 50% þriðji höfundur eða síðar)	

Innlend fagrit (ritrýnd)	20-40%
(40% fyrsti eða annar höfundur, 20% þriðji höfundur eða síðar)	

Birting greina og bókakafla (ákvörðun ritstjórnar)	30%
(30% fyrsti eða annar höfundur, 20% þriðji höfundur eða síðar)	

Kynningar á ritrýndum ráðstefnum	20-30%
(20% veggspjald, 30% erindi)	

Þróun og staðfærsla fræðsluefnis, námskeiða og mælitækja:

Þróun námskeiðs	30%
-----------------	-----

Þýðing og staðfærsla mælitækja	30%
--------------------------------	-----

Þýðing mælitækja	15%
------------------	-----

Fræðsla út á við fyrir hönd Heilsugæslunnar	10%
---	-----

Með fagriti er átt við innlend og erlend vísindarit, sem birta ritgerðir og greinar einungis eftir sérfræðilega umfjöllun umsagnaraðila (ritrýnd).

Með þróun námskeiðs er átt við það t.d. þegar námskeið sem ætlað er að mæta tilteknum þörfum skjólstæðinga eða fagmanna er búið til frá grunni.

Bókun 1

Fyrirvari

Þann 14. ágúst 2015 kvað gerðardómur upp úrskurð í kjaradeilu 18 aðildarfélaga BHM annars vegar og fjármála- og efnahagsráðherra f.h. ríkissjóðs hins vegar. Í 2. gr. úrskurðarorða gerðardóms um launahækkanir er kveðið á um hvernig laun skv. grein 1.1.1 í kjarasamningi skuli hækka á þeim framlengda gildistíma kjarasamnings sem gerðardómur ákvað. Þar kemur m.a. fram að þann 1. júní 2016 fari 1,65% „Til útfærslu menntunarákvæða, sbr. 5. gr. þessa úrskurðar, eftir því sem þörf krefur og eftir atvikum annarra þátta í stofnana samningum.“

Í 5. gr. úrskurðarins, sem varðar greinar 11.3.3.1 og 11.3.3.2 í kjarasamningi aðila er að finna eftirfarandi útlistun á því með hvaða hætti meta skuli menntun í stofnana samningum.

Grein 11.3.3.1.: „Ef gerð er krafa um viðbótarmenntun umfram grunnmenntun (BA/BS) í starfslýsingu skal tekið tillit til þess við grunnröðun starfs í launaflokk sem hér segir:

Starf sem gerir kröfum 60 einingar (ECTS) viðbótarnám raðast að lágmarki einum launaflokki hærra en starf þar sem einungis er krafist grunnmenntunar og sé gerð krafa um meistaragráðu skal slíkt starf raðast að lágmarki 2 launalokkum hærra sbr. upptalningu hér að neðan:

Diplóma eða sambærilegt nám sem leiðir til formlegra starfsréttinda (60 einingar = 1 launaflokkur).

Meistaragráða (90-120 einingar) = 2 launaflokkar.

Doktors- eða sambærileg gráða (180 einingar) = 3 launaflokkar.“

Grein 11.3.3.2: „...Sérstaklega skal meta formlega framhaldsmenntun sem lokið er með viðurkenndri prófgráðu og ekki er þegar metin við grunnröðun starfsins. Menntunin þarf að nýtast í starfi og því miðað við að hún sé á fagsviði viðkomandi. Miða skal við að diplóma (60 einingar) leiði til hækkunar um 2 álagsþrep, meistaragráða leiði til hækkunar um 4 álagsþrep og doktors- eða sambærileg gráða með 6 álagsþrepum. Styrra formlegt nám skal metið með sambærilegum hætti.“

Aðilar gerðardóms, þ.e. fjármála- og efnahagsráðuneytið annars vegar og BHM og aðildarfélög þess hins vegar, eru ekki sammála um túlkun á ákvæðum gerðardóms um mat á menntun. Þann 29. apríl 2016 sendi fjármála- og efnahagsráðuneytið leiðbeiningar til stofnana um útfærslu menntunarákvæðis úrskurðar gerðardóms. BHM sendi ráðuneytinu, ráðherra og forstöðumönnum stofnana athugasemdir sínar þann 18. maí 2016 þar sem áréttáð var að aðilar væru ósammála um túlkun þessa mikilvæga ákvæðis. Óljóst er hvenær niðurstaða fæst í ágreining aðila og þá hver hún verður. Ekki er hægt að útiloka að það komi í hlut Félagsdóms að leysa úr þessum ágreiningi. Þar til slík niðurstaða fæst eða samkomulag næst með aðilum er ljóst að miða verður mat á menntun í stofnana samningi þessum við leiðbeiningar fjármála- og efnahagsráðuneytisins frá 29. apríl 2016. Samningsaðilar samþykkja stofnana samning þennan með þeim fyrirvara að komi til þess að túlkun á ákvæðum gerðardóms verði síðar með öðrum hætti en skv. fyrnefndum leiðbeiningum, eigi sér stað afturvirk leiðréttning í samræmi við þá túlkun og tekið verði fullt tillit til þeirra greiðslna sem HH hefur þá þegar innt af hendi vegna útfærslu menntunarákvæða samkvæmt stofnana samning þessum.



Bókun 2

Aðilar gerðu með sér samkomulag þann 18.12. 2017 um eingreiðslu í desember 2017. Um var að ræða 1,65% frá 01.06.2016 til 31. 12. 2017 til allra starfsmanna sem samningur þessi nær til. Vísað er í undirritað samkomulag þess efnis.

Bókun 3

Þann 5. febrúar 2018 var undirritaður nýr kjarasamningur fjármála- og efnahagsráðherra og Sálfræðingafélags Íslands. Aðilar eru sammála um taka upp viðræður varðandi nýjan stofnana samning í samræmi við ákvæði kjarasamningsins bókun 6 seinni aðgerð.

